

**ХҮНС ХӨДӨӨ АЖ АХУЙ, ХӨНГӨН ҮЙЛДВЭРИЙН САЙД,
ЭРҮҮЛ МЭНДИЙН САЙДЫН ХАМТАРСАН ТУШААЛ**

2017 оны 09 дугаар
сарын 07-ны өдөр

Дугаар A-119/A/355

Улаанбаатар хот

Монгол Улсын Засгийн газрын тухай хуулийн 24 дүгээр зүйлийн 2 дахь хэсгийг үндэслэн “Давс иоджуулж иод дутлаас сэргийлэх тухай хууль”, 2015 оны Засгийн газрын 353 дугаар тогтоолоор батлагдсан “Давсны хэрэглээг бууруулах” үндэсний стратеги (2015-2025), 2015 оны 447 дугаар тогтоолоор баталсан “Хүн амын хоол тэжээл” (2015-2025) үндэсний хөтөлбөрийн 4.1.2 дахь заалтыг тус тус хэрэгжүүлэх зорилгоор ТУШААХ нь:

1. Давсны зохистой хэрэглээг хэвшүүлэх зорилгоор “Давс багатай бүтээгдэхүүн үйлдвэрлэлийг дэмжье” арга хэмжээг орон даяар 2017 оны 09 дүгээр сараас эхлүүлэн 2 үе шаттайгаар зохион байгуулсугай.
2. Арга хэмжээг зохион байгуулах удирдамжийг нэгдүгээр, ажлын хэсгийн бүрэлдэхүүнийг хоёрдугаар, хэрэгжүүлэх ажлын төлөвлөгөөг гуравдугаар хавсралтаар тус тус баталсугай.
3. Аяныг зохион байгуулахад шаардагдах зардлыг холбогдох байгууллагын жил бүрийн төсвөөс санхүүжүүлж, арга хэмжээний төлөвлөгөөны явцын үр дүнг жил бүрийн 1 дүгээр улиралд багтаан тайлагнахыг Хүнс, хөдөө аж ахуй, хөнгөн үйлдвэрийн яамны Төрийн нарийн бичгийн дарга, Эрүүл мэндийн яамны Төрийн нарийн бичгийн дарга нарт үүрэг болгосугай.

ХҮНС, ХӨДӨӨ АЖ АХУЙ,
ХӨНГӨН ҮЙЛДВЭРИЙН
САЙД

Р.СЭРГЭЛЭН

П.СЭРГЭЛЭН

ЭРҮҮЛ МЭНДИЙН
САЙД

А.ЦОГЦЭЦЭГ

Хүнс, хөдөө аж ахуй, хөнгөн
үйлдвэрийн сайд, Эрүүл мэндийн
сайдын хамтарсан тушаал 2017
оны 09 дугаар сарын 07-ны
өдрийн 11 дугаар тушаалын
нэгдүгээр хавсралт

“ДАВС БАГАТАЙ БҮТЭЭГДЭХҮҮНИЙ ҮЙЛДВЭРЛЭЛИЙГ ДЭМЖЬЕ”
АРГА ХЭМЖЭЭ ЗОХИОН БАЙГУУЛАХ АЖЛЫН УДИРДАМЖ

Нэг. Үндэслэл

Дэлхийн эрүүл мэндийн байгууллага (ДЭМБ) дэлхийн хүн амын давсны хэрэглээг 2025 он гэхэд 30 хувиар бууруулах, үүний тулд үндэсний стратеги, төлөвлөгөө хэрэгжүүлэх, хүнс болон хоол үйлдвэрлэлийн бүтээгдэхүүний давсны агууламжийг бууруулахын зэрэгцээ хүнсний давсыг иоджуулж хүн амыг иод дутлын эмгэг (ИДЭ)-ээс сэргийлэх цогц арга хэмжээг хэрэгжүүлэхийг гишүүн орнуудын засгийн газарт зөвлөмж болгосон (ДЭМБ, 2012).

Швейцарийн Женев хотноо 2013 онд зохион байгуулсан Нэгдсэн Үндэстний Байгууллагын 66 дахь хуралдаанаар баталсан “Ерөнхий Ассамблейн Халдварт бус өвчний урьдчилан сэргийлэлт, хяналтын асуудлаарх өндөр хэмжээний уулзалтын улс төрийн тунхаглал”-д хүнсний давсны агууламжийг бууруулах, үр ашигтай арга хэмжээ авч хэрэгжүүлэх (43.7), эрүүл хүнсний үйлдвэрлэлийг дэмжих, боломжийн үнээр хүртээмжтэй болгох, хүнсний шошгын стандартыг мөрдөх, ялангуяа давсны агууламжийн тухай мэдээллийг тодорхой заах (44.2), давсны хэрэглээг бууруулах зорилгоор хүнсний үйлдвэрлэлд давс хэрэглэхийг хязгаарлах (44.5) гэж тус тус заасан (ДЭМБ, 2014).

Монгол хүн хоногт 11.1 г буюу ДЭМБ-ын зөвлөмж хэмжээнээс 2 дахин их давс хэрэглэдэг; хүнсний бүтээгдэхүүний шошгын шим тэжээлийн мэдээлэлд давсны хэмжээг тусгадаггүй; үйлдвэрийн аргаар боловсруулсан хүнсний 83.6 хувь, хоол үйлдвэрлэлийн бүтээгдэхүүний 81.6 хувь нь давсны агууламж ихтэй болохыг 2011-2012 онд Эрүүл мэндийн яам, Нийгмийн эрүүл мэндийн үндэсний төв, Дэлхийн эрүүл мэндийн байгууллага, Монголын мянганы сорилтын сан хамтран хийсэн “Хүн амын давсны хэрэглээ” үндэсний судалгааны дүн харуулсан байна.

Монгол улс 1996–2010 онд иодын дутлын эмгэг (ИДЭ)-ээс сэргийлэх 2 удаагийн үндэсний хөтөлбөр, 2003 онд “Давсиг иоджуулж, иодын дутлын сэргийлэх тухай” хуулийг батлан хэрэгжүүлсний үр дүнд ИДЭ-ийн тархалт 29.2 хувиас 7.3 хувь хүртэл 3 дахин буурч, иоджуулсан давс хэрэглэдэг өрхийн эзлэх хувь 54.4 хувиас 89.1 хувь болж өссөн. Гэвч сүүлийн жилүүдэд иоджуулсан давсны дотоодын үйлдвэрлэл эрс буурч, 90 гаруй хувийг импортын давс эзэлж байна. Нийслэлийн мэргэжлийн хяналтын газрын 2014 онд хийсэн хяналт шалгалтаар иоджуулсан давсны нийт дээжийн 35 хувь нь иодын агууламжтай, 50 хувь нь стандартад заасан хэмжээнээс бага иодын агууламжтай гарсан байна.

Монгол улсын Засгийн газрын 2016-2020 оны үйл ажиллагааны хөтөлбөр, “Хүн амын хоол тэжээл үндэсний хөтөлбөр” (2016-2020), “Төрөөс хүнс, хөдөө аж ахуйн баримтлах бодлого”, “Эрүүл хүнс-Эрүүл Монгол хүн” зорилтын хүрээнд хүн амын дунд давсны зөв зохистой хэрэглээг хэвшүүлэх, иоджуулсан давсны ач холбогдлыг сурталчлах, давс багатай хүнс болон хоол үйлдвэрлэлийн бүтээгдэхүүн, түүнчлэн иоджуулсан давсны үйлдвэрлэлийг нэмэгдүүлэх, давсны чанар, аюулгүй байдалд тавих хяналтыг сайжруулах зэрэг тодорхой арга хэмжээ тусгагдсан.

Монгол улсын Засгийн газрын 2015 оны 353 дугаар тогтоолоор батлагдсан “Давсны хэрэглээг бууруулах” үндэсний стратеги (2015-2025)-д үйлдвэрийн аргаар боловсруулсан бүтээгдэхүүн, нийтийн хоолны давсны агууламжийг тус тус 40 хувь бууруулах арга хэмжээ авах, давс багатай хүнс, хоолны үйлдвэрлэл, худалдаа үйлчилгээг дэмжих, нийтэд сурталчлан таниулах үйл ажиллагааг аймаг, нийслэл, сум дүүргийн түвшинд авч хэрэгжүүлэхээр тусган баталсан ч хэрэгжилтийн үр дүн хангалтгүй байна.

Иймээс “Давс багатай бүтээгдэхүүний үйлдвэрлэлийг дэмжье” арга хэмжээг Хүнс, хөдөө аж ахуй, хөнгөн үйлдвэрийн яам (ХХААХҮЯ), Эрүүл мэндийн яам (ЭМЯ), Нийгмийн эрүүл мэндийн үндэсний төв (НЭМҮТ), Мэргэжлийн хяналтын ерөнхий газар (МХЕГ), Улаанбаатар хотын Захиргачийн ажлын алба (УБЗАА), Нийслэлийн хүнс, хөдөө аж ахуйн газар (НХХААГ), Нийслэлийн хэрэглэгчдийн эрх ашгийг хамгаалах нийгэмлэг (НХЭАХН), Шинжлэх ухаан технологийн их сургууль (ШУТИС)-ийн төлөөллөөс бүрдсэн ажлын хэсэг хамтран зохион байгуулахаар төлөвлөж байна.

Хоёр. Зорилго, зорилт

2.1. Үйлдвэрийн аргаар боловсруулсан хүнс болон хоол үйлдвэрлэлийн бүтээгдэхүүний давсны агууламжийг бууруулахад аж ахуйн нэгжийг татан оролцуулах замаар давс багатай бүтээгдэхүүний үйлдвэрлэлийг нэмэгдүүлэх, түүнчлэн иоджуулсан давсны дотоодын үйлдвэрлэл, чанар аюулгүй байдлын хяналтыг сайжруулахад уг аяны зорилго оршино.

2.2 Арга хэмжээний хүрээнд дараах зорилтуудыг дэвшүүлж байна:

1. Үйлдвэрийн аргаар боловсруулсан хүнс болон нийтийн хоол үйлдвэрлэлийн бүтээгдэхүүний давсны агууламжийг бууруулахад эрдэм шинжилгээний байгууллага, мэргэжлийн холбоод, үйлдвэрлэгч, эрдэмтэд болон олон нийтийн оролцоог нэмэгдүүлэх;
2. Хүнсний бүтээгдэхүүн болон хоол үйлдвэрлэлд хэрэглэх давсны хэмжээг багасгах;
3. Иоджуулсан давсны дотоодын үйлдвэрлэлийг нэмэгдүүлэх;
4. Хүнсний импорт, боловсруулсан хүнс болон хоол үйлдвэрлэлийн бүтээгдэхүүний давсны агууламж, иоджуулсан давсны чанарт тавих хяналтыг сайжруулах;
5. Иргэдэд давсны ач холбогдол, зохистой хэрэглээний мэдлэг, дадлыг хэвшүүлэх бий болгох замаар хүн амын давсны хэрэглээг бууруулах;

Гурав. Хэрэгжүүлэх үйл ажиллагаа

3.1. Давс багатай хүнсний бүтээгдэхүүн болон хоолны үйлдвэрлэл, үйлчилгээг нэмэгдүүлэх чиглэлээр:

3.1.1. Нийгмийн эрүүл мэндэд хувь нэмэр оруулж буй үйлдвэрлэгч (хүнсний бүтээгдэхүүн болон хоол) аж ахуйн нэгжийг сурталчлан таниулах;

3.1.2. Үйлдвэрлэгч аж ахуйн нэгжид давс багатай бүтээгдэхүүн болон хоол үйлдвэрлэлийн чиглэлээр төрийн болон төрийн бус байгууллагаар дамжуулан арга зүйн зөвлөгөө өгөх, шаардлагатай гэж үзвэл сургалт явуулах;

3.1.3 Үйлдвэрлэгч аж ахуйн нэгжийн зах зээлд худалдан борлуулж буй бүтээгдэхүүнүүдийн дээжийг цуглуулан давсны агууламжийг лабораторийн нөхцөлд тодорхойлж, үнэлгээ, дүгнэлт өгөх;

3.2. Иоджуулсан давсны үйлдвэрлэлийг нэмэгдүүлэх чиглэлээр:

3.2.1. Иоджуулсан давс үйлдвэрлэгчдэд иодын бэлдмэлийг нийлүүлэхэд дэмжлэг үзүүлэх;

3.2.2. Иоджуулсан давсны үйлдвэрлэлд ашиглагдах тоног төхөөрөмжийг гаалийн албан татвараас чөлөөлөх ;

3.2.3. Иоджуулсан давсны хяналт шалгалтыг тогтмол явуулж, илэрсэн зөрчил дутагдлыг бууруулах;

3.3. Иргэдэд давсны ач холбогдол, хэрэглээний талаар мэдлэг, хандлагыг дээшлүүлэх чиглэлээр:

3.3.1. Олон нийтэд чиглэсэн давсны ач холбогдол, зохистой хэрэглээг хэвшүүлэхэд чиглэсэн сургалт, хэлэлцүүлэг, эрдэм шинжилгээний хурал зохион байгуулах;

3.3.2. Иоджуулсан давсны хэрэглээг нэмэгдүүлэхэд иргэдэд сургалт, сурталчилгаа зохион байгуулах;

3.3.3.Олон нийтэд арга хэмжээтэй холбоотой мэдээ, мэдээллийг танилцуулж, мэдээлэх;

Дөрөв. Зохион байгуулах хугацаа, үе шат

4.1. Арга хэмжээг дараах 2 үе шаттайгаар зохион байгуулна:

4.1.1. Нэгдүгээр шат – 2017 оны 9 дүгээр сараас эхлэн 2018 оны 4 дүгээр сар хүртэл;

4.1.2. Хоёрдугаар шат – Үндэсний хэмжээнд 2018 оны 4 дүгээр сараас эхлэн 2019 оны 4 дүгээр сар хүртэл.

Тав. Санхүүжилт

5.1. Арга хэмжээг зохион байгуулахад шаардлагатай санхүүжилтийг Хүнс, хөдөө аж ахуй, хөнгөн үйлдвэрийн яам, Эрүүл мэндийн яам, Мэргэжлийн хяналтын ерөнхий газар, Нийгмийн эрүүл мэндийн үндэсний төв, Шинжлэх ухаан технологийн их сургууль, Нийслэл, аймаг орон нутгийн засаг даргын тамгын газар, Эрүүл мэндийн газар, Мэргэжлийн хяналтын газар, Хүнс,, хөдөө аж, ахуйн

газар, Монголын хэрэглэгчдийн эрх ашгийг хамгаалах нийгэмлэгүүдийн нэгдсэн холбооны тухайн жилийн батлагдсан төсвөөс санхүүжүүлэх;

5.2. Оролцогч аж ахуйн нэгж байгууллагууд шалгаруулалтад бүтээгдэхүүнээ оролцуулахтай холбогдох (дээж авах, лабораторийн шинжилгээ, шинэ жор турших) зардал бүрэн хариуцна.

Хүнс, хөдөө аж ахуй, хөнгөн
үйлдвэрийн сайд, Эрүүл мэндийн
сайдын хамтарсан тушаал 2017 оны
09 дугаар сарын 07.-ны
өдрийн *Анг/Инг* дугаар тушаалын
хоёрдугаар хавсралт.

“ДАВС БАГАТАЙ БҮТЭЭГДЭХҮҮНИЙ ҮЙЛДВЭРЛЭЛИЙГ
ДЭМЖЬЕ” АРГА ХЭМЖЭЭ ЗОХИОН БАЙГУУЛАХ
АЖЛЫН ХЭСГИЙН БҮРЭЛДЭХҮҮН

Ажлын хэсгийн дарга:

- Хүнс, хөдөө аж ахуй, хөнгөн үйлдвэрийн яамны Хүнсний үйлдвэрийн бодлогын хэрэгжилтийг зохицуулах газрын дарга

Орлогч дарга:

- Эрүүл мэндийн яамны Нийгмийн эрүүл мэндийн газрын дарга

Нарийн бичгийн дарга:

- Хүнс, хөдөө аж ахуй, хөнгөн үйлдвэрийн яамны Хүнсний үйлдвэрийн бодлогын хэрэгжилтийг зохицуулах газрын хоол үйлдвэрлэл, үйлчилгээний асуудал хариуцсан мэргэжилтэн
- Нийгмийн эрүүл мэндийн үндэсний төвийн Хоол судлалын албаны хүнсний аюулгүй байдлын асуудал хариуцсан эрдэм шинжилгээний ажилтан

Гишүүд:

- Хүнс, хөдөө аж ахуй, хөнгөн үйлдвэрийн яамны Хөнгөн үйлдвэрийн бодлогын хэрэгжилтийг зохицуулах газрын Худалдаа, нийтийн хоол үйлчилгээний зохицуулалтын хэлтсийн дарга
- Хүнс, хөдөө аж ахуй, хөнгөн үйлдвэрийн яамны Хяналт, шинжилгээ үнэлгээний газрын мэргэжилтэн
- Эрүүл мэндийн яамны Нийгмийн эрүүл мэндийн газрын хоол тэжээл, хүнсний аюулгүй байдлын асуудал хариуцсан мэргэжилтэн
- Эрүүл мэндийн яамны Нийгмийн эрүүл мэндийн газрын эрүүл мэндийг дэмжих сангийн асуудал хариуцсан мэргэжилтэн
- Мэргэжлийн хяналтын ерөнхий газрын Эрүүл мэндийн хяналтын хэлтсийн дарга
- Мэргэжлийн хяналтын ерөнхий газрын Эрүүл мэндийн хяналтын хэлтсийн улсын ахлах байцаагч
- Нийгмийн эрүүл мэндийн үндэсний төвийн Хоол судлалын албаны дарга

- Улаанбаатар хотын Захирагчийн ажлын албаны Хүнс, худалдаа, үйлчилгээний хэлтсийн хоол үйлдвэрлэл, үйлчилгээний асуудал хариуцсан мэргэжилтэн
- Нийслэлийн засаг даргын хэрэгжүүлэгч агентлаг Хүнс, хөдөө аж ахуйн газрын Хүнсний үйлдвэрлэлийн хэлтсийн дарга
- Шинжлэх ухаан технологийн их сургуулийн Үйлдвэрлэлийн технологийн сургуулийн эрдэмтэн нарийн бичгийн дарга
- Монголын хэрэглэгчдийн эрх ашгийг хамгаалах нийгэмлэгүүдийн нэгдсэн холбооны дарга
- Монголын хүнсчдийн холбоо
- Хоол үйлдвэрлэл, үйлчилгээ эрхлэгчдийн нэгдсэн холбоо

Хүнс, хөдөө аж ахуй, хөнгөн
үйлдвэрийн сайд, Эрүүл мэндийн
сайдын хамтарсан тушаал 2017
оны 09 дугаар сарын 07-ны
өдрийн 11:15 дугаар тушаалын
гуравдугаар хавсралт

**“ДАВС БАГАТАЙ БҮТЭЭГДЭХҮҮНИЙ ҮЙЛДВЭРЛЭЛИЙГ ДЭМЖЬЕ”
АРГА ХЭМЖЭЭ ЗОХИОН БАЙГУУЛАХ АЖЛЫН ТӨЛӨВЛӨГӨӨ**

Д/д	Хэрэгжүүлэх үйл ажиллагаа	Хугацаа	Хариуцах байгууллага
1.	Арга хэмжээг хүнсний бүтээгдэхүүн болон хоол үйлдвэрлэгч аж ахуйн нэгж байгууллагуудад танилцуулах уулзалт зохион байгуулах	2017.09-р сар	Хүнс, хөдөө аж ахуй, хөнгөн үйлдвэрийн яам, Нийгмийн эрүүл мэндийн үндэсний төв
2.	Давс багатай бүтээгдэхүүн шалгаруулах шалгуур үзүүлэлт боловсруулах	2017.10-р сар	Ажлын хэсэг
3.	Арга хэмжээнд оролцох аж ахуйн нэгжийг бүртгэх	2017.11-р сар	Хүнс, хөдөө аж ахуй, хөнгөн үйлдвэрийн яам
4.	I шатны шалгаруулалтад нэр дэвшүүлсэн бүтээгдэхүүн болон хоолны дээжийг цуглуулж, давсны агууламжид лабораторийн шинжилгээ хийх	2017.11, 12-р сар	Мэргэжлийн хяналтын ерөнхий газар, Нийгмийн эрүүл мэндийн үндэсний төв
5.	Иоджуулсан давсны асуудлаар хэлэлцүүлэг зохион байгуулах	2017.11-р сар	Эрүүл мэндийн яам, Хүнс, хөдөө аж ахуй, хөнгөн үйлдвэрийн яам, Нийгмийн эрүүл мэндийн үндэсний төв
6.	Давс багатай бүтээгдэхүүний шинэ жор боловсруулах	2017.11-р сар	Шинжлэх, ухаан технологийн их сургууль, аж ахуй нэгж байгууллагууд
7.	Давс багатай хоолны жорыг турших, нэвтрүүлэх	2017.12-р сараас	Аж ахуй нэгж байгууллагууд
8.	Давсны гарал үүсэл, натрийн агууламжийг судлах	2018.01-р сараас	Шинжлэх ухаан технологийн их сургууль
9.	Хоол үйлдвэрлэлдээ давсны агууламжийг бууруулсан жишиг цэцэрлэг бий болгох	2018.01-р сараас	Шинжлэх ухаан технологийн их сургууль
10.	Давсны агууламжийг бууруулсан бүтээгдэхүүн болон хоолноос дээж цуглуулж, лабораторийн шинжилгээ хийх	2018.01-р сар	Мэргэжлийн хяналтын ерөнхий газар, Нийгмийн эрүүл мэндийн үндэсний төв

11.	Бүтээгдэхүүн болон хоолны давсны агууламжийн лабораторийн шинжилгээний дүнг нэгтгэх	2018.02-р сар	Ажлын хэсэг
12.	Давс талаарх мэдээлэл сурталчилгааны 7 хоногийг зохион байгуулах	2018.02, 03-р сар	Ажлын хэсэг
13.	Арга хэмжээний I шатны шалгаруулалтыг дүгнэх	2018.03-р сар	Ажлын хэсэг
14.	Шалгарсан аж ахуйн нэгжид шагнал гардуулах, алдаршуулах	2018.03-р сар	Ажлын хэсэг
15.	Арга хэмжээний II шатны шалгаруулалтын уралдааныг зарлах	2018.04-р сар	Ажлын хэсэг, аймаг орон нутг засаг даргын тамгын газар, Хүнс, хөдөө аж ахуйн газар, Эрүүл мэндийн газар, Мэргэжлийн хяналтын газар
16.	Арга хэмжээний II шатны шалгаруулалтад оролцох аж ахуйн нэгжүүдийг буртгэх	2018.05-р сар	Аймгийн засаг даргын тамгын газар, Хүнс, хөдөө аж ахуйн газар, Эрүүл мэндийн газар, Мэргэжлийн хяналтын газар
17.	II шатны шалгаруулалтад нэр дэвшсэн хүнсний бүтээгдэхүүн болон хоолны дээжийг цуглуулж, давсны агууламжид лабораторийн шинжилгээ хийх	2018.06-09-р сар	Аймаг, орон нутгийн мэргэжлийн хяналтын газар
18.	Давс багатай бүтээгдэхүүн болон хоолны жорыг турших, нэвтрүүлэх	2018.06-р сараас	Аж ахуй нэгж байгууллагууд
19.	Давсны агууламжийг бууруулсан бүтээгдэхүүн болон хоолноос дээж цуглуулж, лабораторийн шинжилгээ хийх	2018.09-11-р сар	Аймаг орон нутгийн мэргэжлийн хяналтын газар
20.	Бүтээгдэхүүн болон хоолны давсны агууламжийн лабораторийн шинжилгээний дүнг нэгтгэх	2019.01-р сар	Ажлын хэсэг
21.	Арга хэмжээний II шатны шалгаруулалтыг дүгнэх	2019.02-р сар	Ажлын хэсэг, аймаг орон нутгийн Засаг даргын тамгын газар, Хүнс, хөдөө аж ахуйн газар, Эрүүл мэндийн газар, Мэргэжлийн хяналтын газар
22.	Давс талаарх мэдээлэл сурталчилгааны 7 хоногийг зохион байгуулах	2019.02, 03-р сар	Ажлын хэсэг, аймаг орон нутгийн засаг даргын тамгын газар, Хүнс, хөдөө аж ахуйн газар, Эрүүл мэндийн

			газар, Мэргэжлийн хяналтын газар
23.	Шалгарсан аж ахуйн нэгжид шагнал гардуулах, алдаршуулах	2019.03-р сар	Аймаг орон нутгийн Засаг даргын тамгын газар, Хүнс, хөдөө аж ахуйн газар, Эрүүл мэндийн газар, Мэргэжлийн хяналтын газар
24.	Эрдэм шинжилгээний бага хурал зохион байгуулах	2019.03-р сар	Эрүүл мэндийн яам, Нийгмийн эрүүл мэндийн төв, Нийслэлийн засаг даргын тамгын газар, Дэлхийн эрүүл мэндийн байгууллага, Хүнс, хөдөө аж ахуйн газар
25.	Зах зээлд худалдаалж буй иоджуулсан давсан дахь иодын агууламжид хяналт тавьж, дүгнэлт гаргах, холбогдох хууль тогтоомжийн хэрэгжилтийг хангуулах	2017-2019 он	Мэргэжлийн хяналтын ерөнхий газар
26.	Мэдээлэл сурталчилгааны материал боловсруулах, хэвлэх	2017-2019 он	Аймаг, нийслэлийн Засаг даргын тамгын газар, Хүнс, хөдөө аж ахуйн газар, Мэргэжлийн хяналтын газар, Эрүүл мэндийн газар
27.	Хэрэгжилтийн явцын талаар олон нийтэд мэдээлэх /жилд 2 удаа/	2017-2019 он	Ажлын хэсэг
28.	2 жилийн арга хэмжээний үр дүнг гаргаж, олон нийтэд танилцуулах	2019.5 сар	Ажлын хэсэг

---оо---